

Na osnovu člana 58.a Zakona o socijalnoj zaštiti, zaštiti civilnih žrtava rata i zaštiti porodice sa djecom Kantona Sarajevo („Službene novine Kantona Sarajevo“, broj:38/14 i 38/16,) zaključuje se sljedeći:

PROTOKOL O SARADNJI

između

- 1. JU “Kantonalni centar za socijalni rad“, sa sjedištem u ul. Gatačka br. 80, Sarajevo, koju zastupa Adnan Podžo, direktor (u daljem tekstu Centar) i**
- 2. Udruženje „Humanitarna organizacija Medunarodni forum solidarnosti-Emmaus“, sa sjedištem u Duje, Klokotnica bb, općina Doboj Istok, koju zastupa Hamzaliya Okanović, direktor (u daljem tekstu Prihvatni centar, „Duje“).**

Član 1. (Predmet Protokola)

Predmet Protokola su međusobna prava i obaveze potpisnica Protokola, a koja se odnose na zbrinjavanje i smještaj osoba - korisnika definisanih članom 12. Zakona o osnovama socijalne zaštite, zaštite civilnih žrtava rata i zaštite porodice sa djecom FBiH i članom 14. Zakona o socijalnoj zaštiti, zaštiti civilnih žrtava rata i zaštiti porodice sa djecom Kantona Sarajevo, u Prihvatni centar „Duje“, kao humanitarnu organizaciju koja ima registrovanu djelatnost smještaja.

Član 2. (Cilj i svrha Protokola)

Cilj Protokola je unapređenje međusobne saradnje kroz različite oblike brige o korisnicima, koja pretpostavlja korištenje svih kapaciteta sa kojima raspolaže Prihvatni centar „Duje“.

Svrha ovog Protokola je međuinstitucionalna saradnja u cilju ostvarivanja najboljeg interesa korisnika, radi osiguranja holističkog, fizičkog, psihološkog, moralnog i duhovnog integriteta i promovisanja dostojanstva smještenih korisnika.

Član 3. (Način ostvarivanja saradnje)

Saradnja potpisnica Protokola će se odvijati kroz različite oblike, a posebno kroz mogućnosti:

- 1) realizacija zajedničkih projekata,
- 2) izrada zajedničkih individualnih planova za zaštitu korisnika,
- 3) izvještavanje o razvoju i napredovanju malodobnih korisnika smještaja,
- 4) izvještavanje o napretku i rezultatima stručnog tretmana punoljetnih korisnika smještaja,
- 5) održavanje zajedničkih sastanaka predstavnika potpisnica Protokola,
- 6) zajedničko zagovaranje aktivnosti od interesa za unapređenje kvaliteta zaštite i brige o korisnicima.

Član 4.
(Prava i obaveze potpisnica Protokola)

Prihvatni centar „Duje“, kao davalac usluga, se obavezuje da će primiti na smještaj osobe – korisnike, za koje Centar - nadležna općinska Služba socijalne zaštite procijeni da je u njihovom najboljem interesu smještaj u Prihvatni centar „Duje“.

Prihvatni centar „Duje“ se obavezuje da će:

- djeci-korisnicima usluga obezbijediti odgovarajuće uvjete smještaja, zdravstvenu brigu, školovanje do osposobljavanja za samostalan život i rad, vaspitanje i psihopedagošku podršku i druge uvjete neophodne za pravilan rast, razvoj i vaspitanje djeteta,
- odraslim osobama – korisnicima usluga, obezbijediti odgovarajuće uvjete smještaja, zdravstvenu brigu, psihosocijalnu podršku, radno-okupacioni tretman i stručni tretman u skladu sa individualnim potrebama korisnika.

Centar, kao tražilac usluga, se obavezuje da će pravo na smještaj korisnika u Prihvatni centar „Duje“ regulisati rješenjem o smještaju, a ugovorom će se detaljno regulisati prava i obaveze tražioca i davaoca usluga.

Član 5.
(Rješavanje spornih pitanja)

Sve eventualne nesuglasice potpisnice Protokola će rješavati u okviru postojeće pravne regulative i u duhu tolerancije i razumijevanja.

Član 6.
(Stupanje na snagu Protokola, izmjene i dopune)

Ovaj Protokol stupa na snagu danom potpisivanja, i primjenjivaće se dok za istim postoji osnov i potreba.

U slučaju potrebe strane potpisnice mogu inicirati izmjene i dopune ovog Protckola.

Ovaj Protokol sačinjen je u 4 (četiri) istovjetna primjerka, od kojih svaka strana potpisnica zadržava po 2 (dva) primjerka za svoje potrebe.

JU „Kantonalni centar za socijalni rad“
Sarajevo

Udruženje „Humanitarna organizacija
Međunarodni forum solidarnosti-
Emmaus“ –Prihvatni centar „Duje“

Adnan Podžo, direktor

Hamzalija Okanović, direktor

Sarajevo, 27.12.2016 godine

Duje, 27.12.2016 godine

Broj:35/X-11-071- 23hg 116

Broj: MFS-ON-193916